



Inatsisartunut Ilaasortaq Per Rosing-Petersen, Partii Naleraq

**§ 37 naapertorlugu apeqqummut akissut – UPA 2016-imi immikkoortut 36, 49, 85 aamma 133-p killiffii kiisalu atorfinitsitsinermik politikimik sanasoqarneranik apeqquteqaat (2017-112)**

Asasara Per Rosing-Petersen,

Inatsisartut suleriaasianni § 37 naapertorlugu apeqqutinnut Naalakkersuisut qujapput.

Apeqqutigisatit taakkunungalu akissutit tullinnguuttuni takuneqarsinnaallutillu atuarneqarsinnaapput:

Allakkap ullua: 13-03-2017  
Suliap nr. 2017 – 3465/AAN  
2017-5911  
Allagaatip suussusaa 4691394

P. O. Box 1037  
3900 Nuuk  
Oqa. (+299) 34 50 00  
Nassitsigasuaat (+299) 34 63  
50  
E-mail: oed@nanoq.gl  
www.naalakkersuisut.gl

**1. Upernaakkut 2016-imi Inatsisartuni aalajangiiffigisassatut siunnersuutit sisamat tamarmik akuersissutigineqarput:**

**Immikkoortoq 36, immikkoortoq 49, immikkoortoq 85 aammalu immikkoortoq 133**

**Tamakku tamarmik atorfinitsitsisarnermut arlaatigut tunngassuteqarput, aalajangiiffigineqareerlutillu Naalakkersuisunut naammassisassanngortinneqarnikuullutik.**

**Suliat taakkununga tunngasut sumut killippat?**

Imm. 36 UPA2016-imeersoq pillugu ilisimatitsissutigineqassaaq. Inatsisartut UPA 2016-imi aalajangermassuk "Pisortaqarfinni aamma Pisortat suliffeqarfiutaanni tamani sulisussanik atorfinitsitsisarnermi oqaatsitsinnik, nunatsinni pissutsinik inooriaasitsinnillu ilisimasaqarnissap piumasaaqaatit inissisimalernissaannut periarfissat pillugit kingusinnerpaamik UPA2017-imi nassuiaammik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. (Taamaaliornikkut oqaatsitta kulturittalu ataqqineqarnissaannik inuiaqatigiit kalaallit pissusissamisoortumik piumasaaqaataat atorfinitsitsinerni ataqqineqarluni atorneqalissammat)."

Nassuiaatip UPA 2017-imi saqqummiunneqarnissaa naatsorsuutigineqarpoq.

Imm. 49 UPA 2016-imeersoq eqqarsaatigalugu maluginiarneqassaaq imm. 49-  
imut allannguutissatut siunnersuut akuerineqarmat, tassa Meeqqap  
ineriartornera peqqinneraluunniit ulorianartorsiortinneqarpat oqarasuaatikkut

allakkatigullu kommunalbestyrelsimut ataasiakkaanut nalunaaruteqarnissap pisariinnerulernissaata qulakkeernissaanut periarfissat misissornissaat siunertaralugu Naalakkersuisunit kommuninik oqaloqatiginnineq aallarteqqullugu peqqunneqarnissaat pillugu Inatsisartunit aalajangiiffigisassaq.

Killiffik tassaavoq Digitaliseeriinermut Aqutsisoqarfik, KANUKOKA aamma Sullisivik nuna tamakkerlugu nalunaaruteqarfiusinnaasumik inerisaalermata. UPA 2016-imi immikkoortoq 85 eqqarsaatigalugu allannguutissatut siunnersuutit uku akuersissutigineqarput:

Inatsisartut aaliangiiffigisassaattut siunnersuut, Naalakkersuisut peqquneqassasut kingusinnerpaamik UKA2017-mi allannguutissamik siunnersuuteqassasut, Kalaallit Nunaannut suliffissarsiortut killilersimaarnissaat pillugu Inatsisartut inatsisaanni § 6 imm. 3-mi, sulisitsisut atorfinitsitsinissamik qinnuteqarnerisa kingorna ullut 14-it qaangiunneratigut kommune piffissap iluani aaliangiisimangippat, ingerlaannartumik atorfinitsitsisinnaanerup atorunnaarsinneqarnissaa pillugu.

§ 6, imm. 3-mut allannguutissaatut siunnersuut peqqutigalugu aatsaat UKA2017-imi suliassanngorlugu saqqummiunneqarnissaa naatsorsuutigineqarpoq.

Imm. 133 UPA2016-imeersumut tunngatillugu, Namminersorlutik Oqartussat tamakkiisumik piginnittuullutik aktiaateqarluni ingerlatseqatigiiffiini ataasiakkaani siulersuisunut ilaasortassanik toqqaasarnermi nunatsinni najugaqavissut amerlanerussuteqartut ilaasortaasalernissaannik Naalakkersuisut aalajangersagaliorlutik inatsisissamik UPA2017-imi saqqummiussassamik siunnersuusioqqullugit peqquneqarnissaannik Inatsisartut inatsisissaattut siunnersuut, ilisimatitsissutigineqassaaq ingerlatseqatigiiffinnut inatsiseqartitsinerit tunngavigalugit Naalakkersuisut UPA 2017-imi suliarineqartussanngorlugu kissaatigineqaraluartutut inatsisissatut siunnersuut naammassisinnaasimangilaat.

## **2. Atorfinitsitsinermi politikimik sanasoqarpa?**

Naalakkersuisut atorfinitsitsinermut periusissioarniarlutik isumaliutigaat.

Tassunga ataneqartillugu ileqqorissaarneq anguniarlugu maluginiaqquneqassaaq namminersorlutik oqartussat atorfinitsitsinerimik politikkeqarmata tassani ilaalluni inuit ilinniarsimassutsimikkut inuttullu atorfinnut ataasiakkaanut piukkunnarnerpaat atorfinitsinniarneqartarnerannik. Tassunga ilaatigut ilaatinneqarput oqaatsit pillugit kissaatigineqartut

piumasaqaatillu aamma Kalaallit Nunaanni kulturimut inuiaqatigiinnullu  
tunngasunik ilisimasaqarnissamut tunngasut.

Inussiarnersumik inuulluaqqusillunga

Aqqaluaq B. Egede